



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. XV. De venerabili Eucharistia, vt est alimentu[m] & Sacramentu[m].

[urn:nbn:de:hbz:466:1-46817](#)

tiunt iidem Doctores de illis pro quibus non generatim, sed peculiari intentione offertur (qui modus offerendi est efficacior pro singulis, quam modus offerendi in genere; quia fit perfectio applicatio, & petitur ut singulari modo ipsis praeterea quis profit.) Singulos enim, etiam si plures sint, verbi gratia tres, quatuor, vel quinque, non minus fructus ex vi Sacrificij percepturos, quam pro ipsis solidis oblatum fuisset. Ita Valquez supradictus, & Cajet. in 3. p. q. 79. a. 5. vbi dicit, idem docere S. Thomam, quia docet, hoc Sacrificium ex se sufficere ad delendam qualemcumque poenam peccatis debitam: tamen singulis professe secundum propriam dispositionem. Eamdem doctrinam tradit Cajet. tom. 2. Opusculorum, tractat. 3. q. 2. Eamdem tenent Antonius de Corduba, Ruardus Tapper, & multi recentiores, ut refert Vasquez. Illi autem pro quibus hoc modo offertur, singuli percipiunt fructum ex vi Sacrificij secundum propriam dispositionem. Optima autem dispositio est status gratiae cum peculiari deuotione & cooperatione ad hoc Sacrificium.

*No posse plus
ra stipendia
idcirco percipi.*

Hinc tamen non sequitur, posse Sacerdotem plura stipendia pro uno Sacrificio accipere: quia qui pro se curat Sacrificium offerri, totum fructum expectat, quem Sacerdos per Sacrificium conferre potest, iuxta receptum in Ecclesia morem: ac proinde non solum expectat fructum quem habet Sacrificium per se, sed etiam quem habet ex deuotione offerentis, & ipsa actione liturgica, qui fructus in plures distributus minuitur. Addo, quando Sacerdos pro aliquo, vel certa aliqua causa offerre tenetur, non debet sequi opiniones incertas, sed meliori modo quo potest, salua Ecclesiae ordinatione, fructum Sacrificij applicare. Qui plura desiderat, consulat Auctores, qui ex professio hanc tractant. non enim mei instituti est hanc minutè perseguiri.

CAPUT XV.

*De venerabili Eucharistia, ut est alimentum
& Sacramentum.*

Non solum in *Sacrificium* scipsum Dominus nobis in Eucharia reliquit, sed etiam in *alimentum*; non quod nos in nostram mutaremus substantiam mortalem, sicut alimenta terrena, & sicut manna, quod datum Israëlitis in deserto (cum ipse sit immutabilis) sed quod nos in se quoddammodo conuerteret, & ad suam

suam traheret qualitatem, immortalitatis donum communicando. Sicut enim potentissimum aliquod medicamentum intus a*lo efficiuntur immortales.*
sumptum à natura vinci nequit, sed eam victam & domitam sibi assimilat, suas ei proprietates impertens: ita Corpus Domini in Eucharistia mysterio à nobis intrò aslumptum, non potest à nostra natura mutari, sed sua vi corpora nostra immutat, suas ei proprietates, immortalitatem, claritatem, subtilitatem, & agilitatem inferens. Quod ut Dominus nobis inculcaret, sacerdos Ioh. 6. repetit, cum qui manducat hunc panem, non moritur, sed vivetur in aeternum. Et si enim videatur hominibus mori, tamen ea ratio moriendi non tam mors quam somnus & quietus est dicenda, cum ad breve tempus, imo ad modicum, & ad momentum sit duratura, & iusti mox velut è somno sint ad aeternam lucem & vitam excitandi. Vnde passim in Scripturis vocatur dormitio, requies, somnus. & Dominus Isaiae 26. *Vade popule meus, intra in cubicula tua, [sepulchra] clade ossia tua super te, abscondere modicum ad momentum, donec pertranseat indignatio.* illud enim modicum ad aeternitatem collatum pro nihilo computatur.

107 Sed inquiet alius: Hoc immortalitatis & imparabilitatis dominum etiam illorum iustorum corporibus communicabitur, qui Corporis Christi per Eucharistiam participes non fuere, ut sunt omnes Sancti veteris Testamenti. Respondeo, ita esse, sed duplicitate nobis illud donum competit, illis simplici. Nostra corpora immortalia erunt, tum ratione animæ beatæ, quæ tale corpus est promerita, tum ratione admissionis Corporis Christi corporibus nostris, quod vim habet ipsius, quibus commiscetur, immortalitatem impertiendi: imprimis enim illis sanctitatem, & veluti vim quamdam, quæ semen est immortalitatis, vim moralem, non physicam intellige. At illorum corpora id solum ratione sanctitatis animæ obtinebunt.

108 Neque solum ad immortalitatem impertiendam corporibus, sed etiam ad spiritum Christi in nos transfundendum, hoc alimentum datum est; & hic est primarius eius finis & fructus. Cum enim caro Christi, quæ illo continetur, non sit nuda caro, sed Diuinitati, quæ est spiritus Christi, unita; qui hoc alimentum sumit, eo ipso fit particeps spiritus Christi & Diuinitatis. Nam ut Dominus Iohannis 6. ait, *Spiritus est qui vivificat, caro autem non prodest quidquam: id est, caro per se & vi sua non potest vitam aeternam conferre, sed id facit vi spiritus seu Diuinitatis coniunctæ: sicut ferrum per se*

Oo non

non potest accendere lignum, sed vi ignis qui ferro est intimè vni-
tus. Sic per hoc aliemetum Christus caput nostrum co^mmunicat
nobis suum spiritum suamque vitam, colligens omnes in unum
corpus & in unam veluti hypostasim perfectam & completam;
omnesque illi inserimur, & veluti incorporamur, sicut partes ali-
menti conuenienter intus applicatae per meatus naturæ, incorpo-
rantur nobis, unaque fiunt hypostasis nobiscum, cum spiritus no-
ster ad informandas & vivificandas illas se extendit. Vnde Apo-
stolus 1. Corinth. 10. *Vnus panis & unum corpus sumus omnes, qui*
de uno pane participamus. Vnus panis; quia iste panis non à come-
dientibus in illorum substantiam conuertitur (sicut fit in pane ter-
reno & corruptibili;) sed contrà, potius ipsos comedentes in seip-
sum conuertit, & unum secum efficit, suas proprietates, suamque
formam illis communicans. Mirum sanè consilium Dei! vt nos ad
se attraheret, siquique spiritus & vita efficeret participes, in uno na-
turæ nostræ individuo vnitur carni humanæ hypostaticæ; deinde
hanc carnem speciebus panis & vini conuestitam dat nobis in ali-
mentum; & per illud aliumentum nobis coniunctum & commis-
sum, spiritum & Diuinitatem suam ei alimento connexam in nos
transfundit, vt hoc modo nos omnes sanctificet, & ad suam vni-
tatem & vitam redigat. Nullus modus suauior, efficacior, admira-
bilio aut sapientior poterat excogitari.

*Consilium Domini
mirabile.*

C A P V T X V I .

De miraculis que concurrunt in venerabili Eucharistia Sacramento.

Ad magnitudinem beneficij pertinet non solum res ipsa ^{que} ¹⁰⁹ datur, sed etiam modus dandi, seu miracula stupenda, om-
nem naturæ vim & consuetum rerum cuiusum excedentia, que in
eo dando concurrent. Nam & hoc ipsum ineffabilis est misericor-
diz, quod tale beneficium conferat, quod sine maximis miraculis
conferri non poterat: quantum enim fieri potest, Deus causis vtitur
iam constitutis, & ad miracula quasi inuitus descendit. Sunt autem
in hoc mysterio tot & tanta miracula, vt meritò stupendum supra
omnia miracula dici possit. Præcipua horum duodecim nume-
rari possunt; quorum duo spectantur circa substantiam panis &
vini,

*Miracula
huius beneficii
sy duodecim.*